

Sektarfé eftir lögum þessum, svo og andvirði upptækra verðmæta, rennur í Landhelgissjóð Íslands.

**5. gr.**

8. gr. laganna orðist svo:

Um mál þau, sem rísa út af brotum gegn lögum þessum, skal fara að hætti opinberra mála.

**6. gr.**

Lög þessi öðlast þegar gildi.

Er lög þessi hafa hlotið staðfestingu, skal fella þau inn í meginmál laga nr. 5 18. maí 1920 með áorðnum breytingum og gefa þau út að nýju með fyrirsögninni: Lög um bann gegn veiðum með botnvörpu og flotvörpu.

*Gjört í Reykjavík, 29. apríl 1967.*

**Bjarni Benediktsson.**

**Birgir Finnsson.**

**Gizur Bergsteinsson.**

(L. S.)

---

*Jóhann Hafstein.*

**L Ö G**

**um breyting á lögum nr. 90 7. okt. 1965, um tekjuskatt og eignarskatt.**

**HANDHAFAR VALDS FORSETA ÍSLANDS**

samkvæmt 8. gr. stjórnarskrárinnar,

forsætisráðherra, forseti sameinaðs Alþingis og forseti hæstaréttar,

*gjöra kunnugt:* Alþingi hefur fallizt á lög þessi og vér staðfest þau með samþykki voru:

**1. gr.**

Við 14. gr. bætist ný málsgrein, 4. málsgrein, er orðist svo:

Frá tekjum sjómanna á öðrum íslenskum skipum skal draga kostnað vegna hlífðarfata. Frádrátturinn miðast við þann vikufjölda, sem sjómenn eru lögskráðir á skip, og ákveðst kr. 500.00 á mánuði.

**2. gr.**

Lög þessi skulu öðlast gildi þegar í stað og skulu koma til framkvæmda við álagningu tekjuskatts og eignarskatts fyrir skattárið 1966.

*Gjört í Reykjavík, 29. apríl 1967.*

**Bjarni Benediktsson.**

**Birgir Finnsson.**

**Gizur Bergsteinsson.**

(L. S.)

---

*Magnús Jónsson.*